

۱ نیان ۱۳۲۹

جزء : ۱

تاریخ عثمانی انجمنی

مجموعہ سی

ایکی آیدہ برنشر اولنور

مندرجات

افادہ مرہام

تاریخ عثمانی انجمنی تعلیقات و اعضاسنک اسامیسی

اوراق قدیمہ و وثائق تاریخیہ من عبدالرحمن شرف

ایکینچی (جربہ) حربی اوزرینہ و شقہ لر صفوت

روم سلجوقی دولتک انقراضیلہ تشکیل ایدن طوائف ملوک توحید

عثمانی تاریخ نویسری و مورخری نجیب عاصم

سلسلہ وقوعات دولت علیہ دہ ضبط ایدلیان ۱۱۴۲ سنہ سی حادثاتی .. محمدعارف

تفرقہ : تاریخ سلطان محمدخان ثانی. مؤلفی قریتو و ولوس. مترجمی قارولیدی

استانبول

انجمن احسان و نشر کائنات

مطبعہ قریتو و ولوس

۱۳۲۸

روم سلجوقی دولتک انقراضیله تشکل ایدن طوائف ملوک.

روم سلجوقی دولتک (۷۰ - ۷۰۷) انقاضی ایله تأسس ایدن طوائف ملوکک ظهور لرندن بحث ایتمه دن اول دولت مشارالیه تانک اسباب انقراضه ارجاع نظر اقتضا ایتمکله بونکچون برنبذه جک مبادی تاریخدن ایانه لزوم کورولشدر :

— ۱ —

ملکشاه بن الب ارسلان طرفدن رومه والی صفیه اعزام اولان وروم سلجوقی دولتک مؤسی بولونان سلیمان بن قلمش (۷۰ - ۷۹) اسکداره قدر توسیع ممالک ایله بوغازدن مرور ایدنلردن اخذ رسوم ایله مک قدرایشی ایروولتمشیدی . [۱] ضعف حالی صوک درجه لره واصل اولان دولت قیاسره یی زیروزبر ایتمکله رمق قالمش ایکن بویه برامرمهی براقوب جنوبه توجیه وجهه عزیمتله باعث موتی اولان حلب محاربه ومحاصره سیله اوغراشمش (۷۹) واخلایمده حلبی ضبط ایتمک داعیه سی کی فنا بر میراث براقشدر .

صلیلرک عجماته شیرانه مقابله لرله شهرت شعار بولونان سلیمانک مخدومی وخلقلی قلیج ارسلان ده (۸۵ - ۵۰۰) [۲] ازنیق (Nîcêe) وانیکی شهر (Dorylacum) محاربه لر ی ضایعاتی تلافی ایده جک اسبابه توسل ایله یه جک یرده مع التأسف شماله بدل جنوبه احاله نظرله موصله قدر توسیع ممالک صرف مقدرت ایتمه سی بادی فلاکتی اوله رق بشیور تاریخده خابور نهرنده غریقاً وفات ایتمشدر .

Lebeau vol. XV 38, 82 [۱]

[۲] بعضی مؤرخلر ۷۹ - ۸۵ سنه قدر داود بن سلیمانک حکمران اولدینی بازارلر داود حقتده معلومات کافی تاریخیه دسترس اولامادم .

قلج ارسلانہ خلف اولان مخدومی ملکشاہ (۵۰۰-۵۱۰) دوری
 حقندہ تواریخ موجودہ التزام سکوت ایدیور بونک خلفی معمود اولک
 (۵۱۰-۵۵۱) نصف عصر قدر امتداد ایدن سلطنتی هان هان آسودکی
 ایله کچمش و اوغلی قلج ارسلان ثانی به بردور فتوحات احضار ایدلشیدی .
 ایکی اهل صلیب محاربه نه کوکس کرد کدن و سیواس و قسطنونی حوالیسی
 فاتحانی اولان دانشمندیلرک (۴۶۴-۵۷۰) سلطنته ختام و برد کدن
 ورجال دولتدن بر ذات فطانت سباتک همتیله مؤسس دولت ایوبیه ملک
 ناصر صلاح الدین یوسف بن ایوب [۱] (۵۶۹-۵۸۹) ایله حربه
 کیشمکسزین عقد ائتلافه موفق اولدقدن صوکره قلج ارسلان ثانی
 (۵۵۱-۵۸۸) کندی ایله دولتک مؤدی* انقراضی اوله جق برحرکتده
 بولوندی که اوده ممالکنی اولادی اره سنده تقسیم ایتمه سیدر . اوغللری
 یکدیگریله حربه باشلادقندن قلج ارسلان ثانی حال حیاندنه بوتقینک
 مضراتی کورمکه تلخکام اولدی .

بحق سلطان قاهر عنواتی آلان سلیمانشاہ (۵۹۲-۶۰۰)
 برادرلرندن حرباً و صلحاً ترع ممالکله سلطنت رومده وحدت حصوله
 کتیردی . انجق مساعینک ثمراتی اقطاعه عمری وفا ایتهدی .
 ایکنجی دفعه سریر سلطنته جالس اولان کیخسرو اول پدیری قلج
 ارسلان ثانیکن ارتحالنده ولی عهد اولق حیثیتله اولا نائل سلطنت
 (۵۸۸-۵۹۲) اولدقدن صوکره بیوک برادرینه مغلوب اولوب خیلی
 و قتل دیار غریبده پویان اولمش و دمسردی* روزکاری طامش ایدی .

[۳] صلاح الدین (۵۶۴) سنده عمجه سی اسدالدین شیرکوه رینه صوکره خلیفه
 فاطمی عاضد الدین الله ابو محمد عبدالله (۵۵۵-۵۶۷) وزیر اولمیدی . (۵۶۷)
 سنده عاضد وفات ایتکله صلاح الدین مصری اتابک حلب نورالدین محمود بن
 زکی (۵۴۱-۵۶۹) نامنه ضبط ایتدی . (۵۶۹) سنده نورالدین وفات
 ایتکله صلاح الدین برمدت ملک صالح اسماعیل بن نورالدین (۵۶۹-۵۷۷)
 اطاعتدن صوکره سنه مذکورده ده اعلان استقلال ایلهدی .

روم سلجوقی دولتک انقراضیه تشکیل ایدن طوائف ملوک ۳۷

سلیمانشاھک وقاتیلہ یرینہ اقامہ ایدیلن مخدومی قلیج ارسلان ثالث پک کوچک اولدیندن اوج امراسنک دعوتیلہ تکرار جالس تخت اولان (۶۰۱-۶۰۷) بوسلطان عاقل حسن ادارهسی سایہسندہ اوغللرینہ اوج اقبالنہ پیوستہ اولمش بر دولت قوی الشکیمہ براقیدی. [۱]

اتفاق امرایلہ جالس تخت سلطنت اولان کیکاس اول (۶۰۷-۶۱۶) عمرانپرور اولدینی قدر توسیع ممالکده دخی طالی یاوراولدیندن نائل اولدینی سلطنتہ اهل اولدینی کوسترمش اینہده اجدادنن میراث قالان حلب ضبطی سوداسنہ بوده قابلیشیدی. موفق اولامانجہ مکاید دشمنلہ خیانتلرینہ قائل اولدینی بعض امراسنی دیری دیری یاقدرمق خصوصندہ کوستردیکی مغایر شمار انسانیت شدہ فرداسی کونی کندیده پشیمان اولدی اما اولان اولمش وایش ایشدن کچمش اولدیندن پشیمانلنی موجب قائده اولمادقندن ماعدا متورماھلاکنی انتاج ایلہدی. (۶۱۶) کیکاس اولک رجال دولتی حقندہ روا کوردیکی غدیری برادری

وخلق ییولک عنواتی بفرحق آلان علاءالدین کیقباد اولده (۶۱۶-۶۳۴) طرز دیکرلہ اجرا ایتدیکندن سلطان قاهر سلیمانشاھک اینسی فیلسوف شہر شہابالدین سهروردینک تربیت کردہسی وکیخسرو اولک پروردهسی اولان امراورجال دولتک قم اعظمی محو اولدی کہ روم سلجوقی دولتک اسباب انقراضندن باشلوجہسی بو حالدر. علاءالدین کیقباد اولک ایکنجی خطاسی ایویسہ خاندانندن تزوج ایتدیکی ملکہ عادلیہ دن وجودہ کلن عزالدین قلیج ارسلان اسندہ کی کوچک اوغلنی ولی عهد ایتہسیدر. همان عموم دول اسلامیہده براساس متینہ استناد ایتدیرلہین و محاربات داخلہ یہ سبب یکانہ اولان وراثت سلطنت خصوصی واقعا مرضی بدر خلافتده تختہ چیقان کیخسرو ثانیکنک امر جلوسده کوستردیکی سرعت سایہسندہ

[۱] التي یوز یدی سنہسندہ دینار جوارنده قازاندینی حربی متعاقب شہید

اولشدر.

کیقباد اولك ارتحالنده منتج حرب اولمادی فقط ایشه یارار امرادن بر چوغنك پی در پی افاسه باعث اولدی .

ایوبیه، سلجوقیه دولتری هم آهنگ وفاق اولوب خارجی دشمنری متحداً بر طرف ایتمک عزم ایدم جک یرده یکدیگرینگ ممالکنه کوزدیکمشر ایدی . حتی مؤسس دولت ایوبیه صلاح الدین یوسف بن ایوب کبی بر حکمدار حکمتشمار بیله عمری وفات ایتش اولایدی برادر ی ملک عادل ومخدومی ملک افضل ایله ایتدیکی استشاره وجهله ممالک رومی ضبط ایدم جک ایدی [۱] اما صلاح الدین ایوبینک وفاتیه تشعب ایدن دولت ایوبیه ممالک رومی ضبط ایدم جک قدر قوت بولاماش وامر برعکسی اوله رق روم سلجوقیلری ایوبیلرک تفرق وتشعبدن استفاده یه قیام ایتمشر واوته دنبرو مطمح نظرلری اولان حلب ضبطی املته دوشمشر ایهده بونده موفق اولاماشلرایدی .

روم سلجوقی پادشاهلرینک حلب ضبطه بیهوده صرف ایتدکری امکشر شماله و صلاح الدینک همت عالییه سیده اجانبک فلسطین و جوارندن بتون بتون طردینه مصروف اولایدی شهبه سزکه هم ادامه سلطتلرنی همده شوکت اسلامیه نک تعالینی موجب اولور ایدی . صلاح الدینک توسیع ممالک داعیه مند بولناسی اوزمانک قوت اسلامیه سی توجیده اهل صلیب هجومه سدچکمک ایدی .

کیقباد اول حقود، حود، متکبر [۲] اولقله برابر سیاستدن بهره دار

[۱] الکامل ابن اثیر جزری جلد ۱۲ صحیفه ۳۷

[۲] مختصر سلجوقنامه ابن بی بی صحیفه ۸۴

کیقباد اولك حود اولدینته دلالت ایدن آثار باقیه دن بری قونیه ده « علاء الدین » جامی در . بوجامع کیکارس اول طرفندن انک ایتدیرلدیکی موجود کتابه لردن آکلا شلمقده ایکن کیقباد اول بو کتابه لردن کوزه چارنمایه حق ایکسندن ماعداسنی حک ایتدیرمیش و سلطان عثمان ثالث « نور عثمانیه » بی کندینه مال ایتمکده غالباً علاء الدین کیقباده پیرو اولمشر .

اولدیقتن زما نمرده جاری حلول مالتپورانه ملک سیاسته اتباعاً ایوبیلرله قرابت صهریه پیدا ایتدی. ینه بومقصدیاسی به اساس متین اولمق اوزره والده سی ایوبیه اولان اوغلی قلیج ارسلانی ولی عهد ایتدی. سوه نیته مقرون اولان افکارک حیزامکانه کله مه مه سی مقتضای حکمت ربانیه دن اولغله علاءالدین کیقباد اولک ظاهرده حکیمانه کورونن بوتدیر سقیی دولتک اسباب انقراضدن بری اولمشدر .

علاءالدین کیقباد اولک موفقیات سایه سندن اوله رق ارزنجان وقره حصار شرقیده حکمران بنی منکوج (۶۶۴-۶۲۵) دولت و جلال الدین خوارزمشاهک مملک سلجوقیه به هجومه بادی اولان وارضر و مده جالس سرر حکمداری بولونان عمرزاده سی رکن الدین جهانشاهک (۶۲۲-۶۲۷) حکومتیه نهایت ویره رک اناطولی شبه جزیره سنده بر دولت قویه میدانه کتیرمه سیدر .

ینه مشار الیهک سیاست متحنه سندن اولمق اوزره جلال الدین خوارزمشاهک شهادتی (۶۲۸) متعاقب متفرق برحاله قالان امرای خوارزمیه بی دعوتله بولنره ممالکنده برلر تعیین و علی الدرجات تلطیف ایله مه سی ذکر ایدیم .

عثمانیلرک اجدادی اولان قایلرده خوارزمیلرله برابر بوزمانده اناطولی به کلشردر .

کیخسرو ثانی (۶۳۴-۶۴۴) تحته چیقار چیقماز کندی ارزولرینه مامشات ایتیه جک اولان امراورجال دولتی برر برر محو و افنا ایتدی . حتی پدری علاءالدین کیقباد اولک دعوتیه رومه کلن خوارزم امرانک ایلرو کلنلرندن قیرخان زمندو [۱] قلمنه حبس ایتدیردی . ییحاره اوراده محبوساً وفات ایتدی . دیگر خوارزم امراسی بوخالدن منفلاً الجزیره به طوغری کتیدیلر . کیخسر و ثانی ایشه یازار همان کافه امراسی افاذن صکره کوسه طاغنده تانادرلره ایتدیکی [۱] زمندو سبواس ولایتنده عزیزیه قضانده ضحائی اولاسی محملدر .

حزبہ مغلوب اولوب ممالکنی صاحبز براقہرق قاجدی . بوزیمت
فاحشہ روم سلجوقی دولتک اندرانسی امر واقع حالہ کتیرمکده ایکن
صاحب مہذب الدین علی الدیلی اسنہدہ حیثشعار برامیرلہ امامیہ قاضی
فخرالدینک مشترکاً وقوعبولان ہمت وغیرت وطنہلری سایہسندہ روم
سلجوقی دولتی التمش النی نہ دہا یابدار اولدی .

کیکوس اول، کعباد اول، کیخسر ونانی اتلاف ایتدکری امرانک
قدر وقیمتلیغی تقدیر ایتمش اولوبدہ بونلری اتلاف دکل اعزاز واکرام
وتشویق وترغیب ایلہ سلطنتلرینک ادامہلرینہ مدار اولہجق امورده
استخدام ایتمش اولایدیلر ہم مملکتلری معمور و آبادان قالور ہمدہ تاتارلرک
استیلا لرینک اوکی آلمش اولوز ایدی . ہیہات کہ فقدان رجال، مملکتی آلت
اوست ایتدی . بقیہ السلف برقاج ذاتہ تنظیم امورہ موفق اولامادیلر .
کیخسرو ثانیکنک ۶۴۴ تاریخندہ عالم قایدن کوجہیلہ مقام سلطتہ
کلن کیکاوس ثانی صاحب مہذب الدینک ہمتی وبعدوقانہ دیگر رجال دولتک
اتحاد واقاقیلہ مملکت برمدت حن ادارہ ایدلش ایسہدہ صوکرہلری
رأس کارده بولانلر بربری علیہنہ دوشمش وتاتارلردن استمداد کی فنا
بر سیاست قبوسنہ مراجعت ایدلشدہ . بعض دور اندیشانک غیرتلی ایلہ
داخلی اغتشاشک اوکی آلمق ایچون کیکاوسہ اعلان حرب ایدن برادی
قلج ارسلان رابع (۶۴۶-۶۴۷) سلطنتہ تشریک ایدلش ودیکر براختلال
داخلیہ محل قالماق اوزرہ دیگر برادرلری علاء الدین کعباد ثانی دہ
شریک سلطنت اعلان ایدلشیدی . اوچ برادر برمدت (۶۴۷-۶۵۵) مشترکاً
سلطنت سوردیلر کعباد ثانیکنک ارتحالیلہ ایکی برادر یعنی کیکاوس ثانی
(۶۵۵-۶۵۸) ایلہ قلج ارسلان رابع قلوب زمان قیلدن صوکرہ بربرلری
علینہ دوشدیلر اختلالات داخلیہ باش کوستردی .

(مابعدی وار)

احمد توحید

